



POST Greenlandip Niuernermi piumasaqaatai
6. maj 2008-imeersut

***Nassiussat
aalajangersimasumik
inuttaligaanngitsut***



Niuernermi piumasaqaatit uku Nassiussanik aalajangersimasunik inuttaligaanngitsunik Kalaallit Nunaanni tiguisusssanut nassiussinernut agguaassinernullu atuupput.

1. NASSIUSSAT AALAJANGERSIMASUMIK INUTTALIGAANNGITSUT

1.1 Nassiussat aalajangersimasumik inuttaligaanngitsut suuneri

Nassiussat aalajangersimasumik inuttaligaanngitsut tassaapput tiguisusssanut nassiussat kimukartuunerinik allassimasoqanngitsut assigiimmik oqimaassusillit, angissusillit, imallit isikkullilu.

1.2 Agguaanneqartarneri

Allakkat sumunnarneri allassimanngitsut POST Greenland-imik isumaqatigiissuteqaqqaarluni agguaatsinneqasinnaapput.

Uku aallaavigineqarput:

- Agguaassineq pisarpoq ulluni nalinginnaasuni marlunni, allamik POST Greenland-ip qullersaqafianut isumaatigissuteqarsimanngikkaanni. Ulluinnaat pineqartut tassaapput ataa-singornermiit tallimanngornermut.
- Naliuttut ulluinnarni inissisimappata (juulli, ukiortaq, p ske, pinse, qilaliarfik, tussiarfissuarlu), agguaassisarnerit nikissapput. Taakku pillugit POST Greenland paasiniaavigineqarsinnaavoq. Allakkat sumunnarneri allassimanngitsut 24. aamma 31. december agguaanneqarneq ajorput.
- POST Greenland-ip allakkat sumunnarneri allassimanngitsut nassiussisup sorliit pingaarnerutinneqassanersut piumasarisinnaanngilaa.

1.3 Tiguisusssat

Nassiussanik aalajangersimasumik inuttaligaanngitsunik agguaassinissami nassiussisup tiguisusssat taaneqartut arlaat toqqarsinnaavaa:

- *Inoqutigiiit tamaasa*: Tassani pineqarput illoqarfinni najugaqarfiiit tamarmik (illut, inissiat ineeqqallu), matukkut allakkanut nakkartitsivillit imaluunniit tunniussinissamut allatut periarfissaqartitsisut. Tiguisusssat aamma tassaapput nunaqarfiiit tamarmik, tassa najugaqartunut immikkut tamanut agguaassiffiineq ajortunut, kisiannili postboksenut ikioraaveqartunut imaluunniit atuisunik sullissivimmi saqqumititsiffissaqartunut. Illoqarfinni nunaqarfinnilu sorlerni agguaassisoqartarnissaa nammineq aalajangerneqarsinnaavoq.
- *Illoqarfinni Allaffiiit aamma Pisiniarfiit* (taamaallaat postboksinut ikioraaneq): Tassani pineqarput oqartussaqaarfiiit, suliffeqarfiiit, suliffissuit peqatigiiffiillu suliffeqarfiiutigisap allaffiinit imaluunniit angerlarsimaffimmiit ingerlanneqartut kiisalu tuniniaaveqarfinniit/pisiniarfinniit aalajangersimasuniit ator-tussanik nioqquteqartut tamarmik. Nioqquteqarneq inuussutissarsiornermik ingerlataqarnerup annertuumik ilagissavaa.
- Illoqarfinni postbokseqarfinnut ikioraaneq.

1.4 Agguaassiviusartut

Nassiussanik aalajangersimasumik inuttaligaanngitsunik nas-siussisup agguaassiviusinnaasut taaneqartut arlaat toqqarsin-naavaa:

- Unami tamarmi imaluunniit illoqarfimmi ataatsimi arlalinnilu-unniit agguaassineq.
- Nunaqarfimmi ataatsimi arlalinniluunniit agguaassineq (post-bokseqarfinnut taamaallaat ikioraasoqarsinnaavoq saqqumi-titsisoqarsinnaallunuunniit)
- Illoqarfinni Allaffiit & Pisiniarfiit (postboksanut taamaallaat ikioraaneq)
- Illoqarfimmi ataatsimi arlalinniluunniit postbokseqarfinnut ikioraaneq
- Illoqarfimmi nunaqarfimmiluunniit ataatsimi arlalinniluunniit TELE-POST-ip inini sullissiviini tigusassanngorlugit saqqumi-titsineq.

1.5 Angissutsit

Nassiussat aalajangersimasumik inuttaligaanngitsut kipparissu-mik iluseqassapput angissutsillu tulliuuttut qaangersimassanagit:

Minnerpaamik: 14 x 9 cm.

Annerpaamik: 33 x 23 x 1 cm.

Nassiussat aalajangersimasumik inuttaligaanngitsut quppersak-katut 33 x 23 cm-ip aamma 45 x 30 cm-ip akornanni angissuse-qartut, angissusissamik sinniisimanermut nassiunneqarnerminni akiata 25 %-anik ilallugit agguaanneqarsinnaapput, malitassa-nik tulliuuttunik naammassinnissimagunik:

∑ Ikinnerpaamik sisamanik qupperneqarunik.

Tiguisussamut tunniunneqarnermini quppersagaq ataasiarluni peqinneqarsinnaasariaqarpoq, taamaalilluni takissuseq naan-nerpaaffia annerpaamik 23 cm-iussalluni.

∑ Issunerpaaffissaraa 2 cm.

Qupperneq ataaseq A4-mit (29,5 x 21 cm) angineruppat allak-kerivimmut tunniunneqarnerminni peqinneqareersimassaaq. Nassiussaq peqitinneqarnani allakkerivimmut tunniunneqar-simaguni, nassiunnerani akiata 50 %-ianik ilallugu akilersin-neqassaaq.

1.6 Oqimaassuseq

Nassiussat aalajangersimasumik inuttaligaanngitsut annerpaa-mik oqimaassuseqassapput poortuutertik ilanngullugu 500 g-inik.

1.7 Imai

Taaneqartut Nassiussatut aalajangersimasumik inuttaligaan-ngitsutut nassiunneqarsinnaapput:

- Naqitat soorlu pilerisaarutit, kaajallaasitat, aviisit assigisaallu misiliutitut saqqummiunneqartut.
- Nipimik aamma assilianik elektronik atorlugu pilerisaarusiat, soorlu CD-t, CD-rom-it disket-illu, poortorluagaagunik poor-

tuutaallu aserornagu imai susassaqaanngitsunit tiguneqarsinnaanngikkunik.

- Nioqqutissatut misiliutit, pappialamut, kartonimut assigisaanulluunniit naqitaannaanngitsut, kiisalu videot kassettebåndillu taamaallaat tiguneqarsinnaapput tiguisussanut Allaffiit aamma Pisiniarfiinnut agguaassassatut. Pineqartut inoqutiginnut agguanneqarsinnaanngillat.
- Naqitat, aningaasanik allatulluunniit nalillit – soorlu allagartat eqquiniutit – allakkat puussaat matoqqasut kisiisa atorlugit nassiunneqarsinnaapput. Nassiussap qaavani takuneqarsinnaassanngilaq imarisaa aningaasanik allatulluunniit naleqartoq.

Nassiussaq aalajangersimasumik inuttaligaanngitsoq makkuninnga imaqaassanngilaq:

- Aningaasat, rejsecheckit, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Allagartaatitut tassaasinnaapput akiitsut allagartaat, aktiat, check-it cross-igaanngitsut, akiitsukkanut uppersaatait, nalilinnut uppersaatait aammalu allagartaatit allat aningaasanik nalilinnut uppersaataasut aammalu allagartaammik tigungminnittup kinaaneramik uppersaasuusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tigungnissannik piunasaqarnermut imaluunniit allagartaat naapertorlugu kiffartuussinermik sullinneqarnissamik piunasaqarnermut.
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akuutimikkulluunniit inunnut, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut, tassani pineqarlutik "*UN Recommendations on the Transport of Dangerous Goods. Model Regulations*"-ini (FN'-ip aalajangersagai) qaqugukkulluunniit ulorianaatilittut pineqartut.
- Nunap immallu uumasui uumasut.

1.8 Poortuutissat

Nassiussat aalajangersimasumik inuttaligaanngitsut allakkanut puussanik qallitissanilluunniit nalinginnaasumik poortornagit nassiunneqarsinnaapput. Tassani pineqaannarput suut ataasiakkaat, tassa kortiusinnaavoq, quppersagaasinnaavoq, pisequsaarutaasinnaavoq il.il.

Nassiussap aalajangersimasumik inuttaligaanngitsup imm. 1.7-imi piunasaqaatinik naammassinissimanissaa, pisariaqartumik poortorneqarsimanissaa imaluunniit poortuuteqarnani isumannaatumik nassiunneqarsinnaanera nassiussisup akisussaaffigaa, taamaalilluni nalinginnaasumik allakkerinikkut suliarineqarnermini imaasa naammattumik isumannaatumillu poortorsimanissaat qulakkeerneqarsinnaaqqullugu, kiisalu nassiussap nassiussanik allanik, POST Greenlandimik allatulluunniit suliarinnittus-

samik ajoquusiinnaanera pinngitsoortissinnaaqqullugu.

Imarisat qajannarsinnaasut imaluunniit imerpalasut taamaallaat nassiunneqarsinnaapput poortuutissat POST Greenlandip akuerisai poortuutigalugit.

1.9 Allakkerivimmut tunniussineq

Nassiussat aalajangersimasumik inuttaligaanngitsut, aaneqar-nissaannut tunngasumik immikkut allakkatigut isumaqatigiis-susiortoqarsimannikkaangat, ulloq agguaassivissatut kissaati-gisaq kingusinnerpaamik ulluinnarnik marlunnik sioqqullugu allakkerivimmut agguaassisuusussamut tunniunneqarsimassap-put.

Nassiussat aalajangersimasumik inuttaligaanngitsut nunaqarf-inukartut allakkerivimmut akisussaasuumut ulloq saqqummi-ussivissaq kingusinnerpaamik ulluinnarnik 18-inik sioqqullugu tunniunneqassapput.

Nassiussanut aalajangersimasumik inuttaligaanngitsunut POST Greenlandimut ilisimatitsissutaareersunut, tassanngalu allak-kerivinnut allanut nunaqarfinnullu nassiussuunneqartussanut tunniussivissat makku atuupput:

- Illoqarfinnut, ulloq agguaassivissatut kissaatigisaq kingusinnerpaamik ulluinnarnik 10-nik sioqqullugu tunniussisoqarsimassaaq.
- Nunaqarfinnut, ulloq agguaassivissatut kissaatigisaq kingusinnerpaamik ulluinnarnik 18-nik sioqqullugu tunniussisoqarsimassaaq.

1.10 Pappiaqqat ilaliussat

Allakkerivimmut tunniussinermi aallertitsinermiluunniit tunniussinermut allattugaq, allakkerivinnut agguaassisuusussanut tamanut atuuttoq adressekorti immersugaq, kiisalu Nassiussanut aalajangersimasumik inuttaligaanngitsunut misiliut ataaseq allamik isumaqatigiissuteqartoqarsimanngippat nassiussup tunniutissavaa. Nassiussat allakkerivimmut nassiunneqarnerminni peqinneqarsimanissaattulli, misiliut aamma taamatulli peqinneqarsimassaaq.

1.11 Poortorneqarneri

Nassiussat tunniunneqarnerminni poortuutissanut ningusuumut poortorneqarsimassapput, allunaasamillu qilorsorneqarsimassallutik. Poortugaq ataaseq 100-t sinnerlugit imaqarsimaguni 50-ikkaarlutik imaluunniit 100-kkaarlutik qullutaallutik iliorarneqarsimassapput. Poortugaq ataaseq Nassiussanik aalajangersimasunik inuttaligaanngitsunik imalik annerpaamik 20 kg-nik oqimaassuseqassaaq, kiisalu Nassiussanut aalajangersimasumik inuttaligaanngitsunut puut poortuutigineqassanngillat.

Nassiussat aalajangersimasumik inuttaligaanngitsut Allakkerivimmut agguaassisussaasumut tunniunneqarneranni isumaqa-

tigiissutigineqareersimassaaq poortorneqarnerminni qanoq amerlatiginissaat. Amerlanaarlugit nassiussat – tassa akilerneqarsimasut sinnerlugit nassiussat – kisinnerlutatut naatsorsuuneqassapput agguaanerlu naammassippat aserorterneqassallutik.

Pootukat tamarmik immikkut adreseseddel-imik pilerneqassapput. Agguaassinnermut atasumik immikkut pisussamik isumaqatigiissuteqartoqarsimappat, tamanna adresekortinut aammalu allagartanut poortukkanut tamanut ikineqartussanut allanneqassaaq.

Nassiussanut arrorsaatinik sakkortuunik akulinnik naqitanut plastikki atoqqusaanngilaq. Paarlaallugu qilerummik imaluunniit net-imik qilersorneqarnissaat inassutigineqarpoq, taamaallutik arrorsaati il.il. akui allakkerivimmuut agguaassiviusussamut angallanneqarneranni aamma aniasinnaaqqullugit.

Nassiussat aalajangersimasumik inuttaligaanngitsut EUR-pallenut poortorneqarsinnaapput. Nassiussat qilertaliarineqassapput qilersorneqarlutillu palle-mut issoraneqartinnatik. EUR-palle ima sukangatigisumik qilersorneqarsimatigissaaq nassiussaq angallanneqarnermini nikittoorsinnaassanani. Nassiussat aalajangersimasumik inuttaligaanngitsut arrorsaatinik sakkortuunik akulinnik naqitat qilerutissiamik net-imilluunniit qilersorneqarsimassapput.

POST Greenland isumaqatigiissuteqarsimaguni akiliisitsiluni poortuussisarpoq allakkanillu ilanngussasanik piffinnut agguaassivissanut/postnormunut allaassussisarluni. Kingusinnerpaamik piffissami nassiussip POST Greenlandillu isumaqatigiissutigisimasaanni, allakkerivimmuut isumaqatigiissutigineqarsimasumut nassiussaq tunniunneqassaaq.

1.12 Piumasaqarsinnaatitaaffik

Piffissaq agguaassivissatut isumaqatigiissutaasoq ullormik ataatsimik sioqqullugu, Nassiussat aalajangersimasumik inuttaligaanngitsut nassiussisumit uterteqquneqarsinnaapput. Nassiussanik aalajangersimasumik inuttaligaanngitsunik agguaassiviusussaagaluartunut postnormunut tamanut nassiussisup piumasaanik taamaatitseqqusinnermut akigititaq nassitsisumit akilerneqassaaq. Nassiussanik aalajangersimasumik inuttaligaanngitsunik uterteqqusanik utertitsineq aserorterinerlu nassiussisup akilertarpaa.

1.13 Tunniussineq

POST Greenland Kalaallit Nunaanni allakkanik sumunnarnerinik allassimanngitsunik agguaassisarnera 1.2 malillugu.

POST Greenland pisuni immikkut ittuni, soorlu tiguisussamut aggiussinissaq pisariusimappat imaluunniit aarlerinartoqarpat, soorlu adressimi qimminik pituttaanngitsunik kiisartoqarpat, aputeqarpallaarpat/quasappallarpat imaluunniit allakkanut

nakkartitsiveqanngippat, immikkut iliuuseqarsinnaavoq. POST Greenland-ip allakkat sumunnarnerinik allassimangitsut najuqarfiup allakkanut nakkartitsiviinut ikisarpai.

1.14 Akit

Akit qaqugukkulluunniit atuuttut allattorsimaffiat **www.post.gl**-imi aammalu allakkerivinni takuneqarsinnaapput, allakkeriviillu aama akit atuuttut tamaasa pillugit paasisutissiisarpoq.

Annertunerusumik paasisaqarumagit POST Greenland telefon 34 12 55-imut imaluunniit mail-ikkut posterhverv@tele.gl-imut attavigiuk.

1.15 Taarsiissuteqartarneq

POST Greenland Nassiussat aalajangersimasumik inuttaligaanngitsut kinguaattoornerinut, tammarnerinut imaluunniit ajoqu-serneqarsimanerinut taarsiissuteqarneq ajorpoq.

POST Greenland taarsiissuteqarneq ajorpoq agguaassineq sila pissutigalugu kinguaattoorpat imaluunniit piffissap isumaqatigiissutaasup iluani agguaassisoqarsinnaanngippat.

POST Greenland Nassiussanik aalajangersimasumik inuttaligaanngitsunik POST Greenlandimut piffissaq eqqorlugu poortugassanngorlugit nassiussisumit tunniunneqarsimasunik isumaqatigiisummik naammassinninngippat, poortuinissamut nassiussisup akilersimasaa POST Greenlandip nassiussisumut utertittarpaa. Poortuissussinermut atasumik allamik tarsiissuteqartoqarneq ajorpoq.

Piffimmi agguaassiffiusussami tiguisussanut POST Greenland agguaassisimangikkuni, agguaassiffissatut isumaqatigiissutigineqartumi agguaassinermut nassiussat nassiunneqarnerannut aningaasartuut POST Greenlandip utertissavaa, agguaassinngitsoorneq nassiussisup pisuussutigisimangippagu.

Niuernermi piumasaqaatini ukunani Nassiussap aalajangersimasumik inuttaligaanngitsup imaanut poortorneqarsimasaanullu piumasaqaataasunik malinninnginnerup kingunerisaanik POST Greenlandip annaasaqaatigisaanut, nassitsisisoq pisussaavoq POST Greenland annaasaqatsaalissallugu. Tamakku saniatigut malittarisassat nalinginnaasut malillugit nassiussisoq taarsiissusaatitaavoq.

1.16 Allat

Oqimaassutsinut aammalu angissutsinut malittarisassani allasimasunit allaanerusunik agguaassinissaq pillugu isumaqatigiissuteqarnissaq kissaatigigaanni, POST Greenland telefon 34 12 55-imut sianerluni imaluunniit mail-ikkut posterhverv@tele.gl-ikkut allalluni attavigineqarsinnaavoq.

